



არასამეწარმეო (არაკომერციული) იურიდიული პირი  
„სენაკის მუნიციპალიტეტის ხელოვნების ცენტრი“

სენაკი, ა. წერეთლის ქ. №1

ტელ 579 92 74 74.  
xelovnebiscentri@gmail.com

N 16

24 თებერვალი 2026 წელი

სენაკის მუნიციპალიტეტის მერს


ბატონ ვახტანგ გადელიას

ბატონო ვახტანგ,

თქვენი, 2026 წლის 23 თებერვლის N 40-402605459 წერილის პასუხად წარმოგიდგენთ, ა(ა)იპ „სენაკის მუნიციპალიტეტის ხელოვნების ცენტრი“- ს 2025 წელს გაწეული საქმიანობის ანგარიშს.

დანართი 11 ფურცელი.

პატივისცემით,



ვეფხვია ვეფხვაძე

ა(ა)იპ „სენაკის მუნიციპალიტეტის

ხელოვნების ცენტრი“ს დირექტორი



## ა(ა)იპ სენაკის მუნიციპალიტეტის ხელოვნების ცენტრი

### 2025 წელს განხორციელებული საქმიანობების ანგარიში

#### შინაარსი

1. ცენტრის მართვა: დაგეგმვა, ორგანიზება, კოორდინირება, კონტროლი.
2. სახელოვნებო განათლების ხელშეწყობა: სამუსიკო და სამხატვრო სკოლები.
3. შემოქმედებითი გარემოს წახალისება და სტიმულირება: ხელოვნების საკვირაო და საზაფხულო სკოლების პროექტები, ანსამბლი „გოგალაი“.

#### 1. ცენტრის მართვა

ა(ა)იპ სენაკის მუნიციპალიტეტის ხელოვნების ცენტრი კოორდინაციას უწევს სახელოვნებო-საგანმანათლებლო და შემოქმედებით საქმიანობას, რომლის სისტემაში ფუნქციონირებს ადმინისტრაცია, სამუსიკო და სამხატვრო სკოლები, შემოქმედებითი ჯგუფი/ანსამბლი, ხორციელდება „ხელოვნების საკვირაო და საზაფხულო სკოლების“ პროექტები. ცენტრი განთავსებულია ორ სხვადასხვა შენობასა და მისამართებზე.

სენაკის მუნიციპალიტეტი უზრუნველყოფს ცენტრის სუბსიდიურ დაფინანსებას ფუნქციონირებისა და მატერიალურ-ტექნიკური ხარჯებისათვის. ცენტრი ამზადებს ანგარიშებს მუნიციპალიტეტის მერიასა და საკრებულოსთვის.

- 2025 წელს წელს ცენტრის საქმიანობა წარიმართა ცენტრის ადმინისტრაციის, სახელოვნებო-საგანმანათლებლო, შემოქმედებითი გეგმების და ზემდგომი სამსახურებთან კოორდინაციის შესაბამისად. ცენტრის სტრუქტურულ ერთეულებში დასაქმებულია 48 ადამიანი, რომელიც 2025 წლის დეკემბრის თვის მონაცემით ემსახურება 492 მოსწავლეს. სამუსიკო სკოლაში ირიცხება: 260 მოსწავლე, სამხატვრო სკოლაში ირიცხება: 87 მოსწავლე, შემოქმედებით პროექტში: „ხელოვნების საკვირაო სკოლა“ - 145 მოსწავლე (მუსიკის მიმართულებით - 94, ხატვის მოსამზადებელ ჯგუფში-23, სახვითი (სივრცითი) და გამოყენებითი ხელოვნება - 16, აბიტურიენტების მოსამზადებელ ჯგუფში - 12)
- ✓ ხელოვნების ცენტრში სისტემატიურად შექმდება სახელოვნებო-საგანმანათლებლო და კულტურული ღონისძიებების სხვადასხვა სახის ინფორმაცია. 2025 წელს სოციალურ ქსელში „facebook“ გვერდზე 100-მდე პოსტი იქნა გამოქვეყნული.

#### საანგარიშო პერიოდში განხორციელდა:

- ცენტრის ხელმძღვანელობა მონაწილეობდა სენაკის მუნიციპალიტეტის მერიის და საკრებულოს შესაბამის სამუშაო სხდომებზე
- დოკუმენტბრუნვა- დამუშავდა 900 სხვადასხვა ხასიითის დოკუმენტი, მ/შ: შემოსული კორესპონდენცია- 627. გასული დოკუმენტები -112, ცენტრის საქმიანობასთან დაკავშირებული ბრძანებები - 161.
- 2025 წელს ხელოვნების ცენტრის სახელოვნებო-საგანმანათლებლო პროგრამები დაამთავრა 60 -მა მოსწავლემ (სამუსიკო მიმართულება-32, სამხატვრო-21, სახვითი (სივრცითი) და გამოყენებითი ხელოვნება-7);
- სამუსიკო სკოლაში ირიცხება: 260 მოსწავლე;
- სამხატვრო სკოლაში ირიცხება: 102 მოსწავლე;
- 2025 წელს შეღავათის პროგრამის ფარგლებში გადასახადიდან განთავისუფლებულია 65 მოსწავლე:
  - სოციალურად დაუცველები: 36 (სამუსიკო სკოლა -23, სამხატვრო სკოლა-13).
  - ერთი ოჯახიდან და-ძმა-21 (სამუსიკო სკოლა - 18, სამხატვრო სკოლა-3);
  - სამხედროს შვილები 8(სამუსიკო - 5,სამხატვრო -3).

- ცენტრი ემსახურება მსურველებს მეზობელი მუნიციპალიტეტებიდან (ჩხოროწყუს, აბაშის, ხობის და მარტვილის) ჩარიცხულია 20 მოსწავლე (სამუსიკო სკოლა -5, სამხატვრო სკოლა - 6, ხელოვნების საკვირაო სკოლა - 9).
- სენაკის მუნიციპალიტეტის სხვადასხვა სოფლიდან ჩარიცხულია (სამუსიკო სკოლა - 59, სამხატვრო სკოლა - 21, ხელოვნების საკვირაო სკოლა - 31). სულ 111 მოსწავლე.
- ცენტრში რეგულარულად ტარდებოდა შიდა საკოორდინაციო სამუშაო - შეხვედრები. მუდმივად ხორციელდებოდა მშობლებთან და მოსწავლეთა კონსულტაციები სხვადასხვა საკითხებზე.
- მონიტორინგი უტარდება დასაქმებულთა, მოსწავლეთა და მშობელთა საინფორმაციო ბაზებს.
- ცენტრს გააჩნია ადგილობრივი, რეგიონული და რესპუბლიკური ღონისძიებების კალენდარი.
- ეტაპობრივად ხორციელდება საგანმანათლებლო რესურსების განახლება.
- ხელოვნების ცენტრის 9 პედაგოგი პარალელურად დასაქმებულია საჯარო და კერძო სკოლებში.
- საკონსერვაციო პროექტის ფარგლებში განხორციელდა ორი ბიუსტის - გიორგი ჭალადიდელისა და აკაკი ხორავას ბიუსტების სკულპტუროზული, მექანიკური მეთოდით კონსერვაცია, არსებული მიკრობზარების, დაზიანებული ადგილების აღდგენა, ნაკლები ფრაგმენტების მოდელირება და ფორმირება.
- სენაკის მუნიციპალიტეტის მერის, ვახტანგ გადელიას ინიციატივით, ახალგაზრდა მოქანდაკეთა ჯგუფის - იოსებ ტატალაშვილის, ლაზარე ნოზაძის, გიორგი ჯარიაშვილის, იასონ ჯანხოტელის შემადგენლობით და ბექა ჩხაიძის ხელმძღვანელობით, სენაკის მუნიციპალიტეტის ხელოვნების ცენტრის სამხატვრო სკოლას, სრულიად უსასყიდლოდ გადასცეს სახვითი ხელოვნებისთვის საჭირო თაბაშირის სასწავლო ფიგურები.
- ხელოვნების ცენტრის თანამშრომლებისათვის ჩატარდა ტრენინგ-სემინარი „არტ-თერაპიის მახასიათებლები და მეთოდოლოგია“. სემინარის მთავარი მიზანი იყო ცნობიერების ამაღლება, ახალი ხედვების ჩამოყალიბება და ხელოვნების ძალის აღქმა, როგორც ფსიქოლოგიური კეთილდღეობის მხარდამჭერი ეფექტური ინსტრუმენტი.
- გამოცხადდა და მიმდინარეობს მიღება პროექტში „არტ-ლოგოპედია“. სესიები განკუთვნილია ისეთი ბავშვებისთვის, რომლებსაც აქვთ მეტყველების განვითარებასთან დაკავშირებული სირთულეები.
- შემოქმედებითი მხარდაჭერის მიზნით ცენტრი ახორციელებს პროექტს: „ხელოვნების საკვირაო სკოლა“, სადაც ჩართულია 145 მოსწავლე. კერძოდ:
  - სამუსიკო მიმართულებაზე ჩარიცხულია (ისწავლება მუსიკალურ ინსტრუმენტზე შესრულება და სიმღერა)-94 მოსწავლე;
  - სივრცითი და გამოყენებითი ხელოვნების მიმართულებაზე ჩარიცხულია (ხაზვა, პროპორცია, რიტმი, სივრცე, ფუნქცია და კონსტრუქცია, მაკეტირება-ქალაქის მხატვრული გამოჭრა) -16 მოსწავლე;
  - ხატვის საფუძვლებს ეუფლება - 35 მოსწავლე (მოსამზადებელი ჯგუფი ხატვაში -23, აბიტურიენტების ჯგუფი-12);

## 2. ხელოვნების ცენტრი ჩართულია მუნიციპალურ, რეგიონულ, რესპუბლიკურ და საერთაშორისო კონკურს - ფესტივალებში

### 2.1. მუნიციპალური დონე:

- 7 იანვარი - საქველმოქმედო აქცია საშობაო „ალილო“. სოციალურად დაუცველი ოჯახებისთვის გადავცით სასურსათო პაკეტი.
- 1 მაისი - სენაკის აკაკი ხორავას სახელობის პროფესიული სახელმწიფო დრამატული თეატრში სასკოლო თეატრალური ოლიმპიადა გაიხსნა. გახსნის ცერემონიაზე მონაწილეობა მიიღეს სენაკის მუნიციპალიტეტის ხელოვნების ცენტრის სამუსიკო სკოლის გიტარის კლასის მოსწავლეებმა;
- 26 მაისი - დამოუკიდებლობის დღის აღსანიშნავად, სენაკის მუნიციპალიტეტის მერიის ორგანიზებითა და ხელოვნების ცენტრის ჩართულობით, სხვადასხვა სახის საზეიმო და შემეცნებითი ღონისძიებები გაიმართა. საქართველოს დამოუკიდებლობის 107 წლისთავისადმი მიძღვნილი პროგრამის ფარგლებში გამართულ კონცერტში მონაწილეობა მიიღეს ხელოვნების ცენტრის სამუსიკო სკოლის გოგონათა ვოკალურმა კაპელამ, საესტრადო (ვოკალი) და გიტარის განყოფილებების მოსწავლეებმა, ფოლკლორულმა ჯგუფმა „მოდუმი“ და ხელოვნების ცენტრის ანსამბლმა „გოგალაიში“.
- 12 ნოემბერი - სენაკის მუნიციპალიტეტის მერიის, მერიის განათლების, კულტურის, სპორტისა და ახალგაზრდობის სამსახურის ორგანიზებითა და მუნიციპალური აიპების ჩართულობით ჩატარდა „ ჩვენი ქალაქის დღე“. კონცერტში მონაწილეობა მიიღეს სამუსიკო სკოლის გიტარისა და საორკესტრო განყოფილებების მოსწავლეებმა და პედაგოგებმა. მხატვარ-ფერმწერმა, რეზო ადამიამ, ხელოვნების ცენტრის სამხატვრო სკოლის მოსწავლეებს, ფერწერაზე მასტერკლასი ჩაუტარა.



- 19-29 მაისი - სენაკის XII მუსიკალური ფესტივალი სრულიად საქართველოს კათოლიკოს-პატრიარქის, ილია II-ის ლოცვა-კურთხევით, სენაკის მუნიციპალიტეტის მერიის, საკრებულოს მხარდაჭერითა და ხელოვნების აკადემიის ინიციატივით გაიმართა და მისი დამარსებელი და სამხატვრო ხელმძღვანელია პიანისტთა საერთაშორისო კონკურსების მრავალგზის ლაურეატი, ხელოვნების აკადემიის რექტორი, მსოფლიოში აღიარებული პიანისტი, სენაკის საპატიო მოქალაქე ვალერიან შილაშვილი. ფესტივალში მონაწილეობა მიიღო სამუსიკო სკოლის 100-მდე მოსწავლემ.35-საპატიო დიპლომი, 31- სიგელი და 7-მა მონაწილემ ლაურეატის წოდება დაიმსახურეს.
- 25 მაისი - სენაკის XII მუსიკალური ფესტივალის ფარგლებში, ხელოვნების ცენტრის სამუსიკო სკოლის საკონცერტო დარბაზში, ცნობილი შემსრულებლების - თამარ ლიჩელის, ლიზი რამიშვილის, გოჩა დათუსანის, გიორგი ხაინდრავას და ნათია ქავთარაძის მონაწილეობით, ქართული კლასიკური მუსიკის საღამო გაიმართა.
- 29 მაისი - სენაკის XII მუსიკალური ფესტივალის გალა კონცერტი და დაჯილდოების საზეიმო ცერემონია ჩატარდა.მონაწილეობა მიიღეს სამუსიკო სკოლის ლაურეატმა მონაწილეებმა.
- 5 ივნისი - ლანჩხუთის მუნიციპალიტეტის სახელოვნებო სკოლათა გაერთიანების მარიაკა ორაგველიძის სახელობის სამუსიკო სკოლაში, კარლ ჩერნის სახელობის III კლასიკური მუსიკის კონკურსი ჩატარდა.კონკურსში მონაწილეობა სენაკის მუნიციპალიტეტის ხელოვნების ცენტრის სამუსიკო სკოლის საფორტეპიანო განყოფილების მოსწავლეებმა მიიღეს; მონაწილეებმა კონკურსის სიგელი და დიპლომი დაიმსახურეს.
- 10 ივნისი -ქ.ჭიათურაში, ქართული სიმღერის II კონკურსი ჩატარდა. მონაწილეობა მიიღო ხელოვნების ცენტრის სამუსიკო სკოლის ვოკალური განყოფილების მოსწავლემ და მან პირველი ადგილი და ლაურეატის წოდება დაიმსახურა.
- 5 ივლისი - ხალხური შემოქმედების XXXII საერთაშორისო ფესტივალი „ჩემი ლამაზი ქვეყანა-ბათუმი 2025“ ჩატარდა.მონაწილეობა მიიღეს ვოკალური და საორკესტრო განყოფილების მოსწავლეებმა. მონაწილეებმა დიპლომი და ფესტივალის ლაურეატის მედალი მოიპოვეს.
- 6 ივლისი - ახალგაზრდა მუსიკოს შემსრულებელთა V საერთაშორისო კონკურსი-„ბორჯომი-2025“. მონაწილეობა მიიღეს საესტრადო (ვოკალის მიმართულება) განყოფილების მოსწავლეებმა.სამმა მონაწილემ მეორე პრემია და ლაურეატის წოდება დაიმსახურა და ერთმა მონაწილემ - მესამე პრემია და ლაურეატის წოდება.
- 17-21 ნოემბერი -ესპანეთი,ანდორა- ქართული ფოლკლორისა და კლასიკური მუსიკის განვითარების კავშირის „პარმონია“-ს ორგანიზებით ახალგაზრდა მუსიკოს-შემსრულებელთა VIII საერთაშორისო კონკურსი ჩატარდა. მონაწილეობა მიიღეს საესტრადო (ვოკალის მიმართულება) განყოფილების მოსწავლეებმა. მონაწილეებმა პირველი ადგილი და ლაურეატის წოდება მოიპოვეს.
- 25 ნოემბერი,ქ.ბათუმში საუკეთესო მუსიკოს-შემსრულებელთა კონკურს-ფესტივალი - „ გრანდ ტალანტი“. მონაწილეობა მიიღო ხელოვნების ცენტრის სამუსიკო სკოლის საორკესტრო (ვიოლინოს მიმართულება) განყოფილების მოსწავლემ. მონაწილემ III პრემია და სპეციალური პრიზი - „საუკეთესო შემსრულებლის“ ტიტული მოიპოვა.

**2.3. კონკურს-ფესტივალებში აქტიური მონაწილეობისათვის მაღალი შეფასებები მიიღეს მოსწავლეებმა და პედაგოგებმა:**

2025 წელი ხელოვნების ცენტრისთვის განსაკუთრებულად მნიშვნელოვანი და წარმატებული იყო, როგორც შემოქმედებითი მიღწევებით, ისე საგანმანათლებლო ინიციატივებით.კერძოდ:

- მოსწავლეთა მიღწევები, რომლებსაც კონკურს/ფესტივალებში მონაწილეობისთვის მიენიჭათ წოდებები:
- გრან-პრი-1,ლაურეატი-15,დიპლომი-55,სიგელი-31,სეთიფიკატი-8,1ადგილი-25,IIადგილი-26,III ადგილი - 26,
- მაღლობის სიგელი-2.
- მონაწილეობა მიღებულია ადგილობრივ და რეგიონულ, რესპუბლიკურ და საერთაშორისო მნიშვნელობის 90-მდე აქტივობაში, მათ შორის სამუსიკო სკოლა:საერთაშორისო,რეგიონული და მუნიციპალური კონკურსები - 26, მასტერკლასი - 2, შიდა სასკოლო კონცერტები - 16, სასწავლო გეგმით გათვალისწინებული ღონისძიებები (ღია გაკვეთილი, მოსმენა, ვიქტორინა და სხვა) - 22, ტრენინგი -1.
- სამხატვრო სკოლაში: გამოფენები - 9, პლენერი - 1, პრეზენტაცია - 1, პერსონალური გამოფენა - 1, შუალედური შეფასება - 1.
- ანსამბლმა „გოგალაიმ“ მონაწილეობა მიიღო 7 კონცერტში.
- სენაკის მუნიციპალიტეტის მერის გადაწყვეტილებით, ვოკალური განყოფილების მოსწავლეები, ანსამბლი „მორდუ“,გოგონათა ვოკალური ანსამბლი და ვიტარისტთა ჯგუფის ბავშვები ფულადი პრემიით დაჯილდოვდნენ.

## 2.4. პედაგოგთა და კურსდამთავრებულთა მიღწევები:

- ✓ ქ. ზესტაფონში, ქართული მუსიკის IX ეროვნული კონკურსზე, საუკეთესო პედაგოგის ტიტული მიენიჭათ პედაგოგებს: ლეილა მიქაბაძეს, შორენა ზვიადაძეს, თენგიზ გვენეტაძეს. საუკეთესო კონცერტმასტერი: რუსუდან მილიუტინს და ინგა გადელიას.
- ✓ თურქეთში გამართულ ახალგაზრდა მუსიკოს შემსრულებელთა XIV საერთაშორისო კონკურსზე, წარმატებული მონაწილეობისათვის პედაგოგს, შორენა ზვიადაძეს გადაეცა სიგელი;
- ✓ ქ. თბილისში, კონკურს-ფესტივალის „მომავლის ვარსკვლავები“ დიპლომები წარმატებული მონაწილეობისათვის გადაეცათ პედაგოგებს: რუსუდან მილიუტინს, ინგა გადელიას და გრიალა სამინავას.
- ✓ ქ. თბილისში, კონკურს-ფესტივალზე „იპოვე შენი ვარსკვლავი“ „2025 წლის საუკეთესო პედაგოგის ტიტული მიენიჭათ პედაგოგებს: ლეილა მიქაბაძეს, შორენა ზვიადაძეს, თენგიზ გვენეტაძეს კონცერტმასტერებს: რუსუდან მილიუტინს და ინგა გადელიას;
- ✓ ესპანეთში, ახალგაზრდა მუსიკოს-შემსრულებელთა VIII საერთაშორისო კონკურსზე, გამორჩეული და წარმატებული მონაწილეობისთვის, პედაგოგებს - ლეილა მიქაბაძეს და შორენა ზვიადაძეს, კონკურსის საპატიო დიპლომები გადაეცათ.
- ✓ ხელოვნების სფეროში მოღვაწე პედაგოგების დაჯილდოვება, რომლებმაც 2024-2025 სასწავლო წელს გამორჩეულ წარმატებებს მიაღწიეს. ა(ა)იპ „სენაკის მუნიციპალიტეტის ხელოვნების ცენტრის“ სამუსიკო სკოლის პედაგოგი, გოჩა ჯგერენია და სამხატვრო სკოლის პედაგოგი, ლერი კართხია;
- ✓ სამუსიკო განათლების მიღების მიზნით სკოლის სამმა კურსდამთავრებულმა, სწავლა გააგრძელეს:
  - ქ. თბილისის ევგენი მიქელაძის სახელობის სამუსიკო სასწავლებელში;
  - ქ. თბილისის კონსერვატორიის სამუსიკო სემინარიაში (საგუნდო-სადირიუორო მიმართულებით);
  - ქ. ქუთაისის მელიტონ ბალანჩივაძის სახელობის ცენტრალურ სამუსიკო სასწავლებელში (ფორტეპიანოს ფაკულტეტი).
- ✓ სახვითი და გამოყენებითი ხელოვნების პროფესიული განათლების მიღების მიზნით, სამხატვრო სკოლის ორმა კურსდამთავრებულმა სწავლა გააგრძელა თბილისის სასულიერო აკადემიის ხატწერისა და მონუმენტური რესტავრაციის ფაკულტეტზე.

## 2.5. მასტერკლასი

- 25 აპრილი - კონკურს ფესტივალის „ჰარიდა“ ფარგლებში მასტერკლასი მიხეილ ჯავახიშვილთან;
- 26 აპრილი - ფესტივალის „ჰარიდა“ ფარგლებში მასტერკლასი ტარიელ სუართან.
- 3-5 სექტემბერი - ანსამბლ „გოგალაის“ მასტერკლასი გერმანიიდან ჩამოსულ სტუმრებს.

## 2.6. პრეზენტაცია

- სამხატვრო სკოლაში მაღალი კლასის მოსწავლეებისთვის ჩატარდა პრეზენტაცია თემაზე: „ქართული ეროვნული ტანისამოსი“, რომელიც მიზნად ისახავს ტრადიციული ხელოვნების დარგების პოპულარიზაციას.

**3. 2025 წლის მაჩვენებლები**

**2025 წლის მაჩვენებლები (გეგმა)**

#	დაწესებულება	2025 წ გეგმა	სუბსიდიური დაფინანსება	საკუთარი შემოსავალი
1	ა(ა)იპ სენაკის მუნიციპალიტეტის ხელოვნების ცენტრი	711.000	625.000	86.000

- 2025 წლის 1 იანვრის მდგომარეობით ნაშთი შეადგენდა 1066 ლარს. 2026 წლის 01 იანვრის მდგომარეობით ა(ა)იპ - „სენაკის მუნიციპალიტეტის ხელოვნების ცენტრის“ სულ მიღებული აქვს 710.050 ლარი. მ/შ სუბსიდია 625.000 ლარი, საკუთარი შემოსავალი 85.050 ლარი. მიღებული შემოსავლიდან ფაქტიურად გახარჯულია 708.680 ლარი. მ/შორის-შრომის ანაზღაურებაზე დაიხარჯა 655.105 ლარი, საქონელი და მომსახურებაზე 44.675 ლარი. არაფინანსური აქტივების ზრდა-8.900 ლარი. კომპიუტერის შეძენა-1590 ლარი, მუსიკალური ინსტრუმენტის შეძენა- 2910 ლარი, 2 ცალი კონდინციონერი 4.400. ნაშთი 01.01.2026 წლისათვის შეადგენდა 2436 ლარს.

**✚ საქონელი და მომსახურების ფაქტიური ხარჯები -44.675ლარი.**

- კავშირგაბმულობა-2544ლარი. ელ.ენერგია-3787 ლარი მივლინება-592 ლარი. ბუნებრივი აირი-950ლარი, კატრიჯების შეძენა დატუმბვა-240 ლარი, წყლის ხარჯი-935ლარი, კომპიუტერის აქსესუარების შეძენა-55ლარი, საარქივო მომსახურება-1141ლარი, მატ.მარაგების შეძენა-4052ლარი, საკანცელარიო 2208ლარი, ბეჭდვა-692ლარი, ტრანსპორტით მომსახურება 4100 ლარი, 112-ის მომსახურება- 26ლარი, ფინანსთა ასოციაცია- საწევრო შენატანი 4000 ლარი, სანიტარული საგნების ჰიგიენის საშუალებების შეძენა 2230 ლარი. კულტურული ღონისძიებების ხარჯი-250ლარი. ინტერიერის გაფორმება-800ლარი. მცირეფასიანი ინვენტარის შეძენა-2662 ლარი. ორი ბიუსტის - გიორგი ჭალადიდელისა და აკაკი ხორავას ბიუსტების დაზიანებული ადგილების აღდგენა-4750 ლარი , სასკოლო ინვენტარის (მაგიდები და კარადები) შეძენა 8820 ლარი.

**4.სახელოვნებო განათლების ხელშეწყობა.**

**4.1.სტრუქტურული ერთეული: სამუსიკო სკოლა.**

- სამუსიკო სკოლა ფუნქციონირებს ქ. სენაკში, წერეთლის ქ. N1-ში. სკოლას გააჩნია 3 სართულიანი შენობა, 2 საკონერტო დარბაზი (1 -დიდი და 1 მცირე) და საკლასო ოთახები შესაბამისი ინსტრუმენტებით. სამუსიკო სკოლაში დაქმებულია 28 პედაგოგი, რომელთაგან 7 მაგისტრია, 4 ბაკალავრი და 17 პროფესიული განათლების პედაგოგი. სწავლის უფლებით სარგებლობენ მოზარდები 6 წლის ასაკიდან. დანერგილია მშობელთა მხრიდან თანდაფინანსების სისტემა. სწავლების ხანგრძლივობა შეადგენს 5-7-9 წელს.
- კვირის განმავლობაში სასწავლო პროცესი მიმდინარეობს ორშაბათი - შაბათის ჩათვლით.
- სამუსიკო სკოლაში ფუნქციონირებს საფორტეპიანო, საორკესტრო (ვიოლინო, ჩელო, საქსაფონი, ფლეიტა, ალტი) განყოფილება, საგუნდო სიმღერის სპეციალობა, საესტრადო განყოფილება, გიტარისა და ხალხურ საკრავთა ჯგუფები.
- სასწავლო პროცესში ვლინდებიან საუკეთესო ნიჭის მქონე მოსწავლეები.
- სამუსიკო სკოლაში ფუნქციონირებს საფორტეპიანო (და სხვა საკრავების), მუს.თეორიული და ვოკალური - მეთოდური ჯგუფები.
- ივნისის თვეში ჩატარდა დამამთავრებელი V, VII და IX კლასებში გამოცდები სპეციალობაში, მუს.თეორიაში და სოლფეჯიოში.
- სამუსიკო სკოლაში მისაღები გამოცდები ორ ეტაპად ჩატარდა, ივნისის და სექტემბრის თვეში.
- სკოლას გააჩნია სამუშაო გეგმები, რომლის მიხედვით ხორციელდება მეთოდოლოგიური ღონისძიებები;
- სკოლაში ტარდება ჩათვლები, ლექციები, ვიქტორინები, დახურული და ღია კონცერტები. სამუსიკო სკოლის მოსწავლეები მონაწილეობენ რესპუბლიკურ, რეგიონულ და ადგილობრივ ღონისძიებებში.
- სხვადასხვა კონკურს-ფესტივალებში გრან-პრი მიიღო 1-მა მოსწავლემ, ლაურეატის წოდება მიენიჭა - 15 მოსწავლეს, I, II, III ადგილები - 50 მოსწავლეს, დიპლომები, სიგელები და სერთიფიკატი -87 მოსწავლეს გადაეცა.



- სკოლას შემუშავებული აქვს სასწავლო გაკვეთილების ცხრილი, სემესტრიდან-სემესტრამდე მოსწავლეები მუშაობენ ინდივიდუალურად და ჯგუფურად, პედაგოგების მეთვალყურეობის ქვეშ და სემეტრის ბოლოს ეწყობა ნამუშევრების გამოფენა. მოქმედებს სოციალური შეღავათების პროგრამა.
- ივნისის თვეში ჩატარდა დამამთავრებელ კლასში სასწავლო გეგმით გათვალისწინებული ჩათვლები, ტესტირება და გამოცდა.
- სამხატვრო სკოლაში მისაღები გამოცდები ორ ეტაპად ჩატარდა, ივნისის და სექტემბრის თვეში.

**4.4. სამხატვრო სკოლაში განხორციელებული საქმიანობები.**

- 27 იანვარი - ისრაელის საელოზს ორგანიზებით ჰოლოკოსტის ხსოვნისადმი მიძღვნილი მხატვრული კონკურსი თემით „80 წელი ნაცისტური გერმანიის კაპიტულაციიდან“
- 4 მარტი -სამხატვრო სკოლაში, ეროვნული გმირების: ჟიული შარტავას, გურამ გაბესკირიას და გენო ადამიას დაბადების დღეების აღსანიშნავად, მოსწავლეებისა და პედაგოგების ნამუშევრების თემატური გამოფენა ჩატარდა.
- 21 მარტი - გამოჩენილი ქართველი ებრაელი მწერლის, პოეტის, სენაკის ღირსეული შვილის, ჯემალ აჯიაშვილის დაბადებიდან 81-ე წლისთავისადმი მიძღვნილი კვირეულის ფარგლებში გამართულ აქტივობებში, ხელოვნების ცენტრის სამხატვრო სკოლაში მოეწყო სამხატვრო სკოლის მოსწავლეთა ნამუშევრების გამოფენა, თემაზე „ნახატები ებრაელურ მოტივებზე“.
- 8 აპრილი - ბოშათა საერთაშორისო დღის აღსანიშნავად, სენაკის მუნიციპალიტეტის ხელოვნების ცენტრის სამხატვრო სკოლაში, მოსწავლეთა ნამუშევრების თემატური გამოფენა მოეწყო;
- 10 აპრილი - სამხატვრო სკოლაში, 9 აპრილის ტრაგიკულ მოვლენებთან დაკავშირებით თემატური გაკვეთილი ჩატარდა და ნახატების გამოფენა მოეწყო;
- 19 აპრილი - სამხატვრო სკოლაში, აღდგომის ბრწყინვალე დღესთან დაკავშირებით, თემატური ნახატების გამოფენა მოეწყო;
- 30 აპრილი - სამხატვრო სკოლაში გაიმართა ორი მეორეკლასელის ნამუშევრების პირველი პერსონალური გამოფენა.
- 8 მაისი - ქალაქის სკვერში, სენაკის მუნიციპალიტეტის ხელოვნების ცენტრის სამხატვრო სკოლის მოსწავლეებს ჩაუტარდათ სასწავლო გეგმით გათვალისწინებული, გასვლითი ღია გაკვეთილი - პლენერი - სახვით და გამოყენებით ხელოვნებაში.
- 26 მაისი - დამოუკიდებლობის დღის აღსანიშნავ ღონისძიებაზე მონაწილეობა მიიღო სამხატვრო სკოლაში. ჟიული შარტავას სახელობის ცენტრალურ პარკში მოეწყო სახეზე და ასფალტზე ხატვა, გამოიფინა სამხატვრო სკოლის მოსწავლეთა ნამუშევრები.
- 17 ივნისი - სენაკში, მუნიციპალიტეტის მერიის განათლების, კულტურის, სპორტისა და ახალგაზრდობის სამსახურის, სენაკის მუნიციპალიტეტის საგანმანათლებლო რესურსცენტრის, სრულიად საქართველოს რუსთაველის საზოგადოების სენაკის ორგანიზაციის ორგანიზებით, „ვეფხისტყაოსნის“ დღე აღინიშნა. ღონისძიების ფარგლებში „ვეფხისტყაოსნის“ პერსონაჟების ხატვა ჩატარდა, რომელშიც მონაწილეობა ხელოვნების ცენტრის სამხატვრო სკოლის მოსწავლეებმა მიიღეს და შექმნეს „ვეფხისტყაოსნის“ პერსონაჟები.
- 14 ნოემბერი -სახალხო დღესასწაული - „ეგრისობა“ - სამხატვრო სკოლის მოსწავლეთა ნამუშევრების გამოფენა.
- 9 დეკემბერი - სახვითი ხელოვნების გალერეაში მოეწყო შეხვედრა სამხატვრო სკოლის მოსწავლეები მხატვარ ნონა ჭანტურიასთან.
- დეკემბერი - სამხატვრო სკოლის საკლასო ოთახებში მოსწავლეთა თემატური ნახატების გამოფენა.

**5. შემოქმედებითი გარემოს წახალისება და სტიმულირება.**

**5.1. პროექტი: „ხელოვნების საკვირაო სკოლა“.**

პროექტის მიზანია: ხელოვნების სწავლება შემოქმედებითობის, კომუნიკაციის და ალთქმის მიმართულებით. სადაც ხელი ეწყობა მოსწავლეების შემოქმედებითი, საზოგადოებრივი, პრაქტიკული და საკომუნიკაციო უნარების განვითარებას. ტარდება გაკვეთილები, ნახატების გამოფენები, პლენერები. ისწავლება მუსიკალურ ინსტრუმენტებზე დაკვრა და სიმღერა, ხაზვა, ხატვა. მოსწავლეები მონაწილეობენ ცენტრის მიერ დაგეგმილ



